



P18 CXT 100

P1440

P18 CPT 67.1







1871

РІ 440

1

Хрѣтолюбивыхъ

Дѣшъ

СТІХОСЛОВІИ

прежелѣтельнаго

къ

БГѢ

БЕСѢДОВАНІИ.

рѣдн

правовѣрныхъ Хрѣтіанъ

ИЗДАНА

1764.

ИНВ. бр. 221361

Іакѡ малѡ егда прендохъ
ѡ нихъ, дождеже ѡбрѣтохъ,
егоже возлюбихъ душа моя:
оудержахъ его, и не ѡста-
вихъ его.

ПѢСНЬ ПѢСН: Г. А.

В



СТІХОСЛОВІА ПЕРВАА,
ЛЮБЕЗНАГѠ КЪ БГ҃У ВЗЫВАНІА.



В ОЗЛЮБЛЮ ТА ГД҃И А
КРѢПОСТЕ МОА : ПСА= 31
ГД҃Ь ОУТВЕРЖДЕНІЕ
МОЕ, И ПРИБѢЖИЩЕ МОЕ, И
ИЗБАВИТЕЛЬ МОИ, БГ҃Ъ МОИ,
ПОМОЩНИКЪ МОИ, И ОУПОВАЮ
НА НЕГО: ЗАЩИТИТЕЛЬ МОИ,
И РОГЪ СПСЕНІА МОЕГѠ, И ЗА-
СТѢПНИКЪ МОИ. ХВАЛА ПРИ-
ЗОВЪ ГД҃А, И Ѡ ВРАГЪ МОИХЪ
СПАСЕБА.

А В КОМЪ

СТІХОСЛОВА

В Коль возлюблена селенія
 твоѧ Гдѧ силъ ! желаетъ и
 скончавается душа моѧ во
 дворѣ Гдѧ : сердце моѧ и плоть
 моѧ возрадоваются ѡ бзѣ
 живѣ . Блженн живущи въ
 домѣ твоѣмъ , во вѣки вѣ-
 ковъ восхвалятъ тя . Лучше
 день единъ во дворѣхъ тво-
 ихъ Гдѧ паче тысящъ . Из-
 волихъ приметися въ до-
 мѣ Бга моего , паче неже
 жити ми въ селеніихъ грѣ-
 шниихъ .

Г Коль возлюбихъ законъ
 твоѧ Гдѧ ! весь день поуче-
 ніе моѧ есть . Коль сладка
 гор-

ГОРТАНИ МОЕМЪ СЛОВЕСА ТВОѧ!
 ПАЧЕ МѢДА ОУСТѢМЪ МОИМЪ!
 СЕГѢ РАДИ ВОЗНЕНАВНІДѢХЪ
 ВСѧКЪ ПУТЬ НЕПРАВДЫ. СВѢ-
 ТИЛНИКЪ НОГАМА МОИМА ЗА-
 КОНЪ ТВОИ , И СВѢТЪ СТЕ-
 ЗАМЪ МОИМЪ . ѠПРАВДАНИѧ
 ТВОѧ ВОЖДЕЛѢННА СЪТЪ ГДИ,
 ПАЧЕ ЗЛАТА И КАМЕНЕ ЧЕСТНА
 МНОГА , И СЛАДША ПАЧЕ МѢДА
 И СОТА .

КОЛЬ БЛГЪ БГЪ ІИЛЕВЪ ПРА- Д
 ВЫМЪ СЕРДЦЕМЪ ! КОЛЬ МНОГОЕ ПСА=
 МНОЖЕСТВО БЛГТИ ТВОЕѧ ГДИ, ОВ
 ЮЖЕ СКРЫИЪ ЕСИ БОѧЩЫМЕСѧ ПСА=
 ТЕБѢ : СОДѢЛАИЪ ЕСИ ОУПОВАЮ- А
 ЩЫМЪ НА Тѧ ПРѢДЪ СЫНЫ ЧЕ-
 А Г ДО-

СТІХОСЛАВІА

ЛОВѢЧЕСКИМИ : СКРЫЕШИ ИХЪ
 ВЪ ТАЙНѢ ЛИЦА ТВОЕГО , ѿ
 МАТЕЖА ЧЛВЧЕСКА . ОБАЧЕ
 БГОВИ ПОВИННА ДУШЕ МОА ,
 ЯКѠ ѿ ТОГО ТЕРПѢНІЕ МОЕ :
 ЯКО ТОИ БГЪ МОИ , И СПСЪ
 МОИ , И ЗАСТѢПНИКЪ МОИ ,
 НЕ ПОДВИЖДЕА ВО ВѢКЪ .

Ѹ Ѹ БЗѢ СПАСЕНІЕ МОЕ , И
 ГЛАВА МОА . БГЪ ПОМОЩИ
 МОЕА , И ОУПОВАНІЕ МОЕ НА
 БГА . ОУПОВАЙТЕ НА НЕГО ВСЬ
 БОНМЪ ЛЮДЕИ , ИЗЛІАЙТЕ ПРѢД
 НИМЪ СРЦА ВАША , ЯКѠ БГЪ
 ПОМОЩНИКЪ НАШЪ ЄСТЬ . НЕ
 ОУПОВАЙТЕ НА НЕПРАВДА , И
 НА ВОСХИЩЕНІЕ НЕ ЖЕЛАЙТЕ .
 БОГА-

ПЕРВАЯ

А

7

БОГАТСТВО АЩЕ ТЕЧЕТЪ ; НЕ
 ПРИЛАГАЙТЕ СЕРДЦА . ЕДИННОЮ
 ГЛА БГЪ , ДВОМ СІА СЛЫШАХЪ ,
 ЗАНЕ ДЕРЖАВА БЖІА , И ТВОА
 ГДН МИЛОСТЬ , ЯКѠ ТЫ ВОЗ-
 ДАШИ КОМУЖДО ПО ДѢЛѠМЪ
 ЕГѠ .

БЖЕ , БЖЕ МОИ , КЪ ТЕБѢ
 ОУТРЕНЮЮ , ВОЗЖАДА ТЕБѢ
 ДУША МОА , КОЛЬ МНОЖИЦЕЮ
 ТЕБѢ ПЛОТЬ МОА , ВЪ ЗЕМЛИ
 ПУСТѢ , И НЕПРОХОДНѢ И БЕЗ-
 ВОДНѢ : ТАКѠ ВО СТѢМЪ
 ЯВНУСА ТЕБѢ , ВІДѢТИ СИЛѢ
 ТВОЮ , И СЛАВѢ ТВОЮ . ЯКѠ
 ЛУЧШИ МИЛОСТЬ ТВОА ПАЧЕ
 ЖИВѠТЪ , ОУСТНѢ МОИ ПОХВА-
 ЛЯТЪ

57
 ПСА
 238

А А

ЛНТЪ

СТІХОСЛОВІА

ЛНТѢ ТА . ТАКѠ БЛГОСЛОВЛЮ
ТА ВЪ ЖИВОТѢ МОЕМЪ , Ѡ
ИМЕНИ ТВОЕМЪ ВОДѢЖУ РЪЦѢ
МОИ . ПРИПЕ ДУША МОА ПО
ТЕБѢ , МЕНЕ ЖЕ ПРИАТЪ ДЕС-
НИЦА ТВОА .

3
ПСА:
МА
ИМЖЕ ѠБРАЗѠМЪ ЖЕЛАЕТЪ
ЕЛЕНЬ НА ИСТОЧНИКИ ВОДНЫА ,
СИЦЕ ЖЕЛАЕТЪ ДУША МОА КЪ
ТЕБѢ БЖЕ . ВОЗЖАДА ДУША
МОА КЪ БГѸ КРѢПКОМУ ЖИ-
ВОМУ : КОГДА ПРИИДУ , И
ЯВЛЮСА ЛИЦУ БЖІЮ ; МЛТВА
БГѸ ЖИВОТА МОЕГѠ . РЕКУ
БГѸ : ЗАСТѸПНИКУ МОИ ЕСИ ,
ПОЧТО МА ЗАБЫЛЪ ЕСИ ;
И ВСКѸЮ СѢТЮ ХОЖДУ ,
ВНЕГАДА

ВНЕГДА ѿСКОРБЛѢЕТЪ ВРАГЪ ;

ГДЬ ПРОСВѢЩЕНІЕ МОЕ И СПА- И
СНТЕЛЬ МОИ, КОГѠ ОУБОЮСА ; ПСА
КС

ГДЬ ЗАЩИТИТЕЛЬ ЖИВОТА
МОЕГѠ, ѿ КОГѠ ОУСТРАШДСА ;

ЕДИНО ПРОСИХЪ ѿ ГДА, ТО
ВЗЫЩУ : ЕЖЕ ЖИТИ МИ ВЪ

ДОМУ ГДНИ, ВСѠ ДНИ ЖИ-
ВОТА МОЕГѠ : ЗРѢТИ МИ КРА-

СОТЪ ГДНЮ, И ПОГѢЩАТИ
ХРАМЪ СТЫИ ЕГѠ. ВЗЫСКА

ТЕБЕ ЛИЦЕ МОЕ, ЛИЦА ТВОЕГѠ
ГДН ВЗЫЩУ.

ГОТОВО СЕРДЦЕ МОЕ БЖЕ,
ГОТОВО СРЦЕ МОЕ : ВОСПОЮ И ПСА
РЗ

ПОЮ ВО СЛАВѢ МОЕЙ. ВОСТАНИ
СЛАВА МОА, ВОСТАНИ ПСАЛТИРЮ

СТІХОСЛОВО

И ГДЕСЯ, ВОСТАНУ РАНО. НЕПО-
ВѢМСА ТЕБѢ ВЪ ЛЮДЕХЪ ГДН,
ПОЮ ТЕБѢ ВО ИЗЫЦѢХЪ: ИКШ
ВЕЛІА ВЕРХУ НБСЪ МЛТЬ ТВОА,
И ДО ОБЛАКЪ ИСТИНА ТВОА.
ВОЗНЕСІА НА НБСА БЖЕ, И
ПО ВСЕЙ ЗЕМЛИ СЛАВА ТВОА.
Ты еси БЖЕ держава моя,
разжзи оутрѣбы моя и срце
мое, икш мнлостъ твоа предъ
Очима моима естъ. послн
свѣтъ твой, и истинн
твою, тл ма наставнста,
и введоста ма в горѣ стѣю
твою, и в селеніа твоа, и
внидѣ к жертвенникѣ Бжю,
къ Бгѣ велещемѣ юностъ
мою.

ПЕРВАЯ

11

МОЮ. ИСПОВѢМЯ ТЕБѢ ВЪ ГЛѢХЪ
БЖЕ БЖЕ МОИ. ВЕКЪЮ
ПРИКОРЕНА ЕСИ ДУШЕ МОЕ ;
И ВЕКЪЮ СМЪЩАЕШИ МА ; ОУПО-
ВАН НА БГА, ЯКЪ ИСПОВѢМЯ
ЕМЪ, СПАСЕНІЕ ЛИЦА МОЕГО,
И БГЪ МОИ.



СТІХОСЛОВІА ВТОРАЯ,

ЛЮБЕЗНАГО КЪ БГЪ

БЕСѢДОВАНІА.

ОУСЕРДІЕ КО ХРТЪ ВОЗОПІИ

ГЛАГОЛА :



АЗВЕННО И ОУРАНЕ-

НО СРЦЕ МОЕ, ТВОЕЮ

БЖТВЕННОЮ ЛЮБО-

ВІЮ,

СТІХОСЛОВА

ВІЮ, ВСЕГДА ДА БУДЕТЬ ГДН,
ДА СЪ ПРРОКОМЪ ПРИСНУ СІА
РАЧІТЕЛНАА СЛОВЕСА ГЛАГОЛЮ :

пѣс:
гл:
а

ОУАЗВЕНЪ СЕМЬ ДОБРОТОЮ
ТВОЕЮ ЖЕНИШЕ МОИ СЛАЧАЙ-
ШИИ, ВЪ СЛѢДЪ ТЕБѢ ТЕКЪ,
ВЪ ВОНЮ МУРА ТВОЕГѠ, СГОЖЕ
ВОЖДЕЛЪ ДУША МОА . ГДЪ,
ПАСЕШИ ; И ГДЪ ПОЧИВАЕШИ
ВЪ ПОЛЪДНИ ; ГДЪ ВОЗСІАВАЕШИ
СВѢТЪ ; ГДЪ ПРОСВѢЩАЕШИ
ТМЪ ; ГДЪ ОУТѢШАЕШИ ЛЮ-
БИМАА ; ГДЪ РАЧІТЕЛИ ТВОА
ОУПОКОАЕШИ , И ИСПОЛНАЕШИ
ИХЪ БЖЕСТВЕННОЕ ЖЕЛАНІЕ ;

ПАКИ КЪ БГЪ ЛЮБЕЗНЪ ГЛН :

в

СЪ ПРОВОЖДЕЛЪНИШИИ ГДН

Госпо-

Вторая

3

Господей ! со пресладчайшей
 въ сладостехъ премірныхъ !
 со прелюбезнѣйшей въ любез-
 ныхъ, всакъ оумъ, всакъ
 мысль превосходящей ! со
 любви, ктожъ та достоинъ
 возлюбитъ ; кто достоинъ
 къ тебѣ всѣмъ сердцемъ
 прилѣпится ; кто та до-
 стинъ до сердца своего
 прїиметъ ! со бжтвеннаго
 твоего желанїа ! со бж-
 ственнаго славы прїснобщна-
 го твоего ѡсїанїа .

Пакн к бгъ теплѣ вопїи :

что ми есть на нбсн ; и г
 что влщше ѡ тебѣ воохо-
 ятѣхъ

Псаломъ
 137

СТІХОСЛОВА

ТѢХЪ НА ЗЕМЛѢ, О БЖЕ
 МОИ; ТОЧІЮ ЕЖЕ ЖИТИ МИ
 ВЪ БЖТВЕННОМЪ ТВОЕМЪ ЖЕ-
 ЛАНІИ. СІЕ ТОЧІЮ ЕДИНО ДА
 БУДЕТЪ МИ СОКРОВИЩЕ И ВѢ-
 ЧНОЕ БОГАТСТВО. СІЕ ТОЧІЮ
 ЕДИНО ДА БУДЕТЪ МИ ПИЩА
 И ПИТІЕ, И ПРИНОСИЩНОЕ НА-
 БЛАЖДЕНІЕ. СІЕ ТОЧІЮ ЕДИНО ДА
 БУДЕТЪ МИ СЛАВА И ПОХВАЛА,
 ВЕЛЕЛѢПІЕ ЖЕ, И ШДѢЛАНІЕ
 СВѢТЛО: ДА СОВЛЕКШИСА ПЛОТИ,
 НЕ НАГЪ ВЪ ДЕНЬ СТРАШНАГО
 ТВОЕГО СДА ШЕРЩИСА: НО
 СТОБОЮ ГДЕМЪ МОИМЪ БГОМЪ
 ВО ВѢКИ ВѢЧНЫА ПРЕДУ,
 НИКОГДАЖЕ ШДЧАМСА.

ПАКН

Пѡки оусерднѣ къ Бг҃у

взывѡи:

Всѣ желаніе мое, и возды-
ханіе мое, въ тебѣ да бѣ-
детъ Гд҃и. всѣ желаніе мое,
и раченіе мое, въ тебѣ еди-
номъ да бѣдетъ спсѣтелю
мою. всѣ изволеніе мое, и
помышленіе мое въ тебѣ да
оуглубится, и всѣ кости
моѡ да рекѡтъ: Гд҃и Гд҃и,
кто подобенъ тебѣ; кто
сравнится силѣ, бл҃готи, и
премѡдрости твоѡ; всѣ бо
премѡдрѣ, и праведнѣ, и
бл҃готрѡбенѣ ѡ насъ оустро-
илъ еси.

Пѡки

Вторѣя

17

БЫТИ НЕПРЕМѢННОЕ ѠПОЧИВА-
НІЕ; ГДѢ ОУМЪ ПРИСТАНИЩЕ;
ГДѢ СЕРДЦЪ НЕПРЕЛОЖНАА ТИ-
ШИНА И ПОКОИ; АЩЕ НЕ ВЪ ТЕ-
БѢ ГДН, АЩЕ НЕ ТЫ САМЪ
ДУШУ МОЮ ОУПОКОИШИ, И
ПРНОСѢЩНОЕ ОУТѢШЕНІЕ ДАРУЕ-
ШИ. ВСАКА БО МІРА СЕГѠ
РАДОСТЬ, ПЛАЧЪ ЕСТЬ: ВСАКО
ОУТѢШЕНІЕ ЕГѠ, СКОРБЬ И
ПЕЧАДЬ: ВСАКО НАСЛАЖДЕНІЕ
ЗЕМНОЕ, ГОРЕСТЬ И ТЯЖЕСТЬ
ДУШИ: ВСАКА ЛЮБОВЬ ПЛОТ-
СКАА ЛОЖЪ ЕСТЬ, И ЛИЦЕ-
МѢРІЕ. НѢСТЬ СВОИСТВЕННА И
ИЗВѢСТНА ДУШИ МОЕЙ НИЕДИНА
МІРА СЕГѠ СЛАДОСТЬ: НО ТЫ
ЕДИНЪ

СТІХОСЛОВА

САИНА ДА БУДЕШИ МИ РАДОСТЬ
И ВЕСЕЛІЕ, И ВѢЧНОЕ ПРИНО-
БЪЩНОЕ НАСЛАЖДЕНІЕ.

ПАКИ КЪ БГ҃У МОЛБѢ СОТВОРИ:

З ДА НЕ ЛЮБОДѢИТЕВЮ ВЪ СРЦѢ
МОЕМЪ, ѿ ТЕБѢ ГД҃А МОЕГѠ,
СЪ ТВАРІЮ, НО ДА ВЕЪМЪ
СРЦЕМЪ МОИМЪ ПРИЛѢПАЮСА
ТЕБѢ, ВСЮ ТВАРЬ СОТВОРШЕМЪ.
ДА НИЧТОЖЕ ПРЕПОЧИТАЮ ПАЧЕ
ТЕБѢ. ДА НИЧТОЖЕ ВОЗЛЮБЛЮ
КРОМѢ ТЕБѢ ГД҃А МОЕГѠ,
ИСТОЧНИКА ЖИЗНИ. ДА НЕ ВОЗ-
ЛЮБЛЮ СЛАВЫ МІРА СЕГѠ, И
БОГАТСТВА ИСЧЕЗНОВЕННАГѠ,
НИ КРАСОТЫ ТЛѢННЫЯ, НИ
НАСЛАЖДЕНІЯ ПЛОТЬСКАГѠ ВРЕ-
МЕН-

МЕННАГО: НО ТЫ ЕДИНЪ ДА
БЪДЕШИ МОА СЛАВА И ПОХВАЛА,
БОГАТСТВО И БОКРОВИЩЕ, ПИЩА
И ПИТІЕ, И ПРИНОСЪЩНОЕ ОУ-
ТЪШЕНІЕ.

ПАКИ ТѢПѢ КО ГДѢ РЦЫ:

КАКЪ ТЕБѢ НЕ ИМАМЪ ЛЮ- И
БИТИ ГДА МОЕГО; ИЖЕ МА
ВСЕГО СОЗДАМЪ ЕСИ, СО БЖЕ
МОИ; КАКЪ НЕ ИМАМЪ КЪ
ТЕБѢ ПРИЛѢПЛАТНЕСА, ИЖЕ
МА ВСЕГО СОТВОРИМЪ ЕСИ;
КАКЪ НЕ ИМАМЪ КЪ ТЕБѢ
ПРИСОЕДИНИТНЕСА; ИЖЕ МА
ВСЕГО СОДЕРЖИШИ, ЖИВИШИ,
ПИТАЕШИ, НАСЫЩАЕШИ, ПЕЧЕ-
ШНЕСА И ПРОМЫШЛАЕШИ, ВСА
БЛАГА

СТІХОСЛОВА

БЛАГА И СПАСЕННАА ѿ МНѢ
ДУШИ, И МАНІЕМЪ СВОИМЪ
ИКОЖЕ ВЪСН ОУТРОДЕШИ МНѢ
ВСА КО ПОЛЕЗНОМУ. КАКЪ НЕ
РАСПАДЕТМЕСА ѿКАЖЕННОЕ СРЦЕ;
КАКЪ НЕ РАЗЖЕТМЕСА МРА-
ЧНАА ДУША; КАКЪ ВСА ВНУ-
ТРЕННАА МОА НЕ РАСПАЛТА
КЪ БЖТВЕННОМУ ТВОЕМУ ЖЕ-
ЛАНІЮ И ЛЮБИ;

ПАКИ КЪ БГУ НЕМОЛЧНО
ВОСКЛИЦАИ:

КАКЪ ЖЕ ОУБЪ ТРАВА СЫИ
ПРИСОЕДИНЕНЪ БДЪ БЖТВЕН-
НОМУ ТИ ОГНЮ СЪ БЖЕ МОИ;
КАКЪ ТЛЕНІЕ ВРЕМЕННОЕ СОЕ-
ДИНЮСА ТЕБѢ ВСЕГДА ПРИНО-

сѣщномѣ ; кѣкѣ мрѣченѣ сѣи ,
прилѣплюсѣ кѣ тебѣ нече-
чернемѣ свѣтѣ ; кѣкѣ смѣр-
тенѣ присоединѣнѣ бѣдѣ без-
смѣртномѣ ; присоединѣ ма-
ты сѣмѣ гдѣи , ѣкоже вѣси ,
блгодѣтелю мой : просвѣти ,
научѣ ма волѣ твоѣ сѣтѣи .
распалѣ , разжзѣ дѣшѣ мою
бжтвенною твоѣю любѣвию ,
да ничтоже ѣно возлюблю ,
токмѣ тебѣ единаго истѣч-
ника жѣзни ѣ безсмѣртѣи .

Пѣки кѣ бгѣ прилѣжнѣ

моубѣ сотвори :

Возсѣи ми свѣтѣ твоегѣ і
разѣма сѣ бжѣ мой ! просвѣти
мрѣчнѣю

Стихословіа

мрачною ми душѣ , распали
и разжзи сердце мое , и
оутрѣбы мою , яко ѿгнь ,
къ бжественной твоей любви
со создателю мой ! да вынѣ
влѣвлю , велнчѣю , и воспѣваю
твоѣ престѣе имя , и неизре-
ченное челоуѣколюбіе : яко
ты насъ приеми мѣлдеши ,
оущедрѣеши , и защищѣеши
оуповающихъ и надеющихся
на тя : яко тебѣ подо-
бѣетъ всякая слава , честь
и поклоненіе , со безначал-
нымъ твоимъ ѿцемъ , и
престѣимъ и блгимъ и жи-
вотворящ^м твоимъ дхомъ ,
нынѣ

нынѣ и прѣсно, и во вѣки
вѣкѡвъ, аминь.



СТІХОСЛѢВІА ТРѢТІА,
рачїтелнаго къ Бг҃у

вопїенїа.

Оубѣрднѣ ко Хрт҃у вопїи гла: ѿ



почто тебе Гд҃а мое-
го всѣмъ ср҃цемъ
моимъ не люблю;

почто всегѡ желанїа моего,

и хотѣнїа моего тебѣ не

ѡдамъ; почто всею душею

моєю и всѣмъ помышленїемъ

моимъ, во твою пресѣду

любовь не оуглубленъ есмь;

ты

СТІХОСЛОВА

ТЫ БО МА ВСЕГО СОТВОРИЛЪ
 ЕСИ, И ВСА ТЪНЕ МИ ДАРОВАЛЪ
 ЕСИ: ВСЬ ЕСМЬ ѿ ТЕБЕ, ВСЬ
 ЕСМЬ ТВОИ, ВСЬ ДА БЪДУ
 ВЪ ТЕБѢ. ПОЧТО ѿТЪЗАОСА,
 И СЪ СЪЛНЫМЪ ОУСЕРДИЕМЪ
 КЪ ТЕБѢ НЕ ПРИПАДУ; ТЫ БО
 ѿ НЕБЫТІА ВЪ БЫТІЕ ПРИВЕЛЪ
 МА ЕСИ, И НЕПРЕСТАННО ПЕ-
 ЧЕШИСА ѿ ДУШИ МОЕЙ, ѿ
 БЖЕ МОИ! ТЫ МА ПИТАЕШИ,
 ЖИВИШИ МА, ЗАЩИЩАЕШИ, СО-
 ХРАНЯЕШИ, ПОКРЫВАЕШИ ДУШУ
 МОЮ, ДАРУЕШИ МИ КРѢПОСТЬ,
 ЗАРАВІЕ, ѿКОРМАЯЕШИ, ВРА-
 ЗЪМЛЯЕШИ, ПРОСВѢЩАЕШИ, ПО-
 БОБСТВУЕШИ, РУКОВОДСТВУЕШИ,

И

Третья

Г҃и

и наставляеши мя на всякая
дѣла блага, вса блага и
спасенная ѿ мнѣ дѣеши,
ѿ Боже мой!

Паки къ Бг҃у теплѣ вопиѣ:

Какъ оубо тебе азъ лю- в
бити не имамъ Гд҃и мой;
какъ къ тебѣ не имамъ
прилѣплатися; ты бо ми
еси Бг҃ъ единъ, источникъ
жизни и податель всѣхъ
блгъ, творецъ мой и Гд҃ь.
вси оудалѣющіеся ѿ тебе
погибнутъ, вси невзыскѣ-
ющіи тебе не спасутся: по-
требилъ бо еси всякаго лю-
бодѣющаго ѿ тебе. вси

в БОГА-



Стихословїа

богати́н въ плотскѣхъ сла-
стѣхъ, истинно невзыскаю-
щїи тебѣ, ѿбнища́ша и взал-
ка́ша: взыска́ющїи же тебѣ,
не лишáтсѧ вѣкагѡ блага .
тѣмже дѣнь и но́щь къ тебѣ
да оутренюю, дѣнь и но́щь да
тебѣ жаждѡ со́ бже мой! и
всѣмъ срцемъ да люблю́тѧ .
еди́но проси́хъ ѡ тебѣ гдѣ
моегѡ, то да взыщѡ: еже
жити ми в домѣ твоѣмъ всѧ
днѣ живота́ моегѡ, еже
зрѣти ми красотѣ твоѧ, и
погѣщати црковь стѣю твою .
тебѣ рече сердце мое: гдѣ
взыщѡ . взыска́ тебѣ лице́
мое,

МОЕ , ЛИЦА ТВОЕГО ГДА
ВЗЫЩУ.

ПАКИ КЪ БГ҃У ОУСЕРДНѢ
ВЗЫВАНІ:

КАКѠ ТЕБѢ НЕ ИМАМЪ ЛЮ- Г
БИТИ ГДА МОЕГО ; ТЫ БО
МОИ ЕСИ ЖИВОТЪ , ТЫ ЕСИ
МОЕ СПАСЕНІЕ , ТЫ ЕСИ МОА
СЛАВА , И ПОХВАЛА , ТЫ ЕСИ
МОЕ БОГАТСТВО , И ВѢЧНОЕ
ВОКРОВНИЦЕ , ТЫ ЕСИ МОА НА-
ДЕЖДА И ОУПОВАНІЕ , ТЫ ЕСИ
МОЕ РАДОВАНІЕ И ВѢЧНЫЙ ПО-
КОИ . ЛУЧШЕ ЛИ МИ ЛЮБИТИ
ВѢЩЬ СЪЕТНОЮ , ВѢЩЬ НЕИЗВѢ-
СТНО , ВѢЩЬ ПРЕВРАТНО , ВѢЩЬ
ПОГИБЕЛНО , ЛОЖНО , НЕЖЕ ТЕБѢ
В В ИСТИН-

СТІХОСЛОВА

ИСТИННАГО ЖИВОТА МОЕГО ;
БЕГЮ РАДИ ВСЮ НАДЕЖДУ МОЮ,
ВСЕ ОУПОВАНИЕ МОЕ , ВСЕ ЖЕ-
ЛАНІЕ МОЕ , В ТЕБѢ ЕДИНОМЪ
ДА ПОЛАГАЮ ГДН . ВСЕ СЕРДЦЕ
МОЕ , ВСЮ ДУШУ МОЮ , ВСА
ПОМЫШЛЕНІЯ МОА , ВЪ ТЕБѢ
ЕДИНОМЪ ДА ОУГЛАЗБЛЕННА
ИМАМЪ . ВСА ВНУТРЕННАА
МОА , ЧЛЕНОВЕ И МОЗГИ , ТЕБѢ
ЕДИНОМУ ДА ИЗЛІЮ , ДА ВЕСЬ
БЪДУ ВЪ ТЕБѢ , ТЫ ЖЕ ВО
МНѢ . ДА ОУВѢМЪ И ПОЗНАЮ
ТЕБЕ ВОИСТИННУ ЕДИНАГО ИС-
ТИННАГО БГА И ГДА , И ЕГО-
ЖЕ ПОСЛАМЪ ЕСИ ИСА ХРТА ,
И ВО СВѢТѢ ТВОЕМЪ ОУЗРЮ
СВѢТЪ

Трѣтїа Ѣ

свѣтъ блгодати твоегѡ пре-
стѣгѡ Дѡа.

Пакн ко Гдѡ немолчнѡ
воклнцѡн:

Камѡ пойдѡ ѡ тебѣ Гдѡ Дѡ
 моегѡ, и ѡ лицѡ твоегѡ ѡ:
 камѡ бѣжѡ; аще взыдѡ на рлн
 нѡ, ты тамѡ еси: аще
 внидѡ во адѡ, тамѡ еси:
 аще возмѡ крилѡ мой рѡнѡ,
 и вселюсѡ въ послѣднихѡ
 морѡ; и тамѡ бо рѡка твоѡ
 настѡвнтѡ мѡ, и оудержнтѡ
 мѡ десница твоѡ. Камѡ
 пойдѡ, и гдѣ ѡбращѡ инамо
 вѣчныи животѡ, аще не въ
 тебѡ создѡтели моѡмѡ;
ѡ Г
Камѡ

Стихословіа

ка́мю ѿбра́щю и́намо оутѣ-
ше́ніе и́ радость, приста́нище
и́ поко́и души́ мое́и, а́ще не
в тебѣ́ Гдѣ́и́ Бже́ мой; ка́мю
ѿ тебе́ по́йдю; ты́ бо глы
жвота́ вѣчнаго́ и́маши въ
себѣ́. ты́ еси́ исто́чникъ
жвота́, и́ пода́тель всѣхъ
блгъ́. возжада́ тебе́ душа́
моа́, возжада́ тебе́ се́рдце
моё́, Бже́ жвота́ моего́.
да оусла́дитмися́ твоё́ пре-
сто́е и́ма, пресла́дкаго́ Гдѣ́а
моего́́ И́са, да оура́нена бѣ-
детъ́ и́мъ душа́ моа́, да
оуа́звенно бѣдетъ́ моё́ се́рдце,
да ничто́же и́мамъ́ любез-
нѣише́

нѣише во всемъ житіи мо-
 емъ, паче твоегѡ престѣгѡ
 ѿмене. да бѣдѣтъ сладчайша
 слова твоѧ гортани моему,
 ѿ свѣтомъ моимъ, паче
 меда, ѿ ѡправданіа твоѧ
 да возжелѣнна ми бѣдѣтъ
 гдѣи, паче злата ѿ камене
 цѣтна многа, ѿ сладша паче
 меда ѿ сола.

Паки къ бгѡу теплѣ вопій:

Что ѡубо душа моя возлю- бгѡ
 битъ въ вѣцѣхъ семъ; что
 возжелаетъ; ѡ чемомъ восхо-
 щетъ ѡутѣшитися, аще не
 ѡ тебѣ единомъ гдѣи бзѣ
 моемъ; аще бо возлюбитъ

в

а

пищѣ

СТІХОСЛОВА

пнщѣ и питіе, прелщаетса :
временна бо и тлѣнна естъ.
аще возлюбитъ славу, кра-
соту, и почитаніе міра сего,
всѣ матѣтса : преходитъ
бо и погнѣаетъ вскорѣ. аще
возлюбитъ злато и сребро,
не вѣсть комѣ собиравѣт :
всѣ бо заѣ на земли ѡста-
нутъ, въ прахъ и пепелъ
премѣнатса. нѣсть нигдѣже
въ снхъ и звѣстнаго оутѣ-
шенія и покоа. душа бо
ѡ своіственаго своіства
ѡторгшася, нигдѣ имать
міра и покоа, аще не к те-
вѣ гдѣ своему пакн ѡбра-
титса,

Трѣтіа

31

тѣтса, ѿнюдоже бытіе свое
 ѿмать. аще не тебе всѣмъ
 сердцемъ своимъ возлюбитъ,
 аще блгодати преставо твое-
 го дха не бдетъ причастна,
 ничимже возможетъ извѣ-
 стнѡ оутѣшнтиса, и оубе-
 велитиса.

Пакн теплѣ ко гдх рцы:

всде матетса всакъ чело-
 вѣкъ живыи, не любай тебе
 гда своего. всде трждаетса
 всакъ земнородныи, не при-
 лѣплалса къ тебѣ всѣмъ
 срцемъ своимъ, и не взы-
 екдаи тебе день и ношь.
 почто и живѣтъ члвѣкъ;
 в е почто

5
 ѿ
 ли

Стїхословїа

почтò и́ родилса́ е́сть въ
 мїръ; а́ще вотще́ и́звѣрѣтъ
 дни́ своѣ: вотще́ бо и́ течѣ-
 нїе́ егѡ́ е́сть. вѣде́ нари-
 ца́етъ и́ма твое́ е́то́е, не
 любя́и́ тебе́ Гдѣ́ своегѡ́,
 и́сточника́ жи́зни, и́ пода-
 телѣ́ всѣ́хъ блѣ́гъ. оу́звѣ-
 дѣшъ мою́ бжтвенно́ю твоєю́
 любóвїю, ѿ́ Создѣ́телю мо́й!
 оу́рани́ срце́ моё́, создѣ́телю
 все́а́ тва́ри. а́ще бо́ къ тебѣ́
 не прилѣплю́са́ Гдѣ́ моёмѹ́,
 что́ оубѡ́ творити́ бѣдѹ́;
 а́ще къ тебѣ́ не присоеди-
 нѣнъ бѣдѹ́, что́ создѣ́ю не
 вѣда́; а́ще ѿ́ пѹти́ твоегѡ́
 пра-

Трѣтїа

и

прѣваго ѿвращаю , въ по-
 слѣднѣмъ слѣмъ впадѹ : къ те-
 бѣ бо присоединенїе , животъ
 естъ : ѿ тебе ѿчужденїе ,
 вѣчная смѣрть и погнбелъ ,
 и безконечная мѹка . присо-
 единїи ма ты самъ Гдѣи ,
 и мнже вѣси сѹдбамн , ѣкѡ
 члвѣколюбецъ , и прецѣдрый
 Гдѣ .

Паки къ Бгѹ теплѣ вопїи :

Почто предпочтѣю сѹетѹ , 3
 и сласть тлѣннѹю ; предпочи-
 тѣю славу вѣременнѹю , красотѹ
 смраднѹю , богатство ичез-
 новенное ; предпочтѣю всѣмъ
 кѹю слѹю вещь , паче тебе
 в с Гдѣ

СТІХОСЛОВА

ГДА МОЕГѠ, БЛГОДАТЕЛА ПРЕ-
ЩЕДРАГѠ; КОЕ МОЕ БЕЗѠМІЕ;
КАА МОА СЛѠПОТА; ОУВЫ
МНѠ ГРѠШНОМѠ! ОУВЫ МНѠ
ѠКААННОМѠ! ОУВЫ МНѠ ПО-
МРАЧЕННОМѠ! НО ѠБАЧЕ ДАРѠИ
МИ СІЕ СѠ БЖЕ МОИ, ЯКѠ
ДА НИЧТОЖЕ ВОЗЛЮБЛЮ ВЪ
ВѠЦѠ СЕМѠ, КРОМѠ ТЕБѠ
ГДА МОЕГѠ. ДА НЕ ВОЗЛЮБЛЮ
СЛАВЫ, БОГАТСТВА, СЛАСТИ,
КРАСОТЫ И ТЛѠНІА: НО ДА
ТЕБѠ ТОЧІЮ ЕДИНАГО СОЗДА-
ТЕЛА МОЕГО, ВСѠМѠ СРЦЕМѠ
МОИМѠ И ВСЕЮ ДУШЕЮ МОЕЮ
ВОЗЛЮБЛЮ, И НИЧТОЖЕ ПРЕПО-
УИТАЮ ПАЧЕ ТВОЕА ЛЮБВЕ.

ПАКМ

Трѣтїа

ѿ

Паки любезнѣ къ Бг҃у

глаголю:

Чтò оубо ѿно любити ѿ
 ѿмамъ , аще не тебе Гдѣ
 моего , ѿ Создателя ; ѿже
 ма всего сотворилъ еси , ѿ
 всего ма манїемъ своимъ
 содержиши , питаеши , жи-
 виши , ѿ всѣхъ на ползу мою
 оустраеши , ѿкоже самъ вѣ-
 си Гдѣ . Или лучше ми любити
 вещь светнѣю , вещь преврат-
 нѣю , нежели тебе Гдѣ моего ,
 ѿ Создателя ; Или лучше ми
 любити тварь , неже тебе
 творца твари ; создание ,
 неже тебе Создателя ; аще

бо

СТІХОСЛОВО

БО ТЕБѢ ГДѢ МОЕГѠ ВСѢМЪ
СРЦЕМЪ НЕ ВОЗЛЮБЛЮ , ЧТО
ОУБѠ ИНОЕ ЛЮБИТИ ИМАМЪ ;
КО ИНОМУ ЛИ ЧЕСОМУ ПРИЛѢ-
ПЛЮСА ; ИЛИ ИНОЮ КОЕЮ ВЕЩІЮ
ПОРАБОЩЕНЪ БУДУ ;

ПАКИ КЪ БГѠ ОУСЕРДНѢ
ВЗЫВАНЪ :

И Не лучше ли капли при ис-
точницѣ ; розгѣ при корени ;
оудѣ при главѣ ; ЕИ ВСАКѠ
лучше . снце и при тебѣ ГДѢ
БЗѢ МОЕМЪ НЕ ЛУЧШЕ ЛИ ЕСТЬ ;
ТЫ БО МИ ЕСИ ГДѢ ЕДИНЪ ,
прибѣжище мое , и оутѣше-
ніе . ТЫ МИ ЕСИ ЕДИНА НА-
дежда , и оупованіе . ИНАГѠ
при-

Трѣтїа къ

пристѣнница и оутѣшенїа не
 имамъ . иныя надежды и
 оупованїа , развѣ тебѣ Бѣга
 моего не знаю . ты еси мой
 заступникъ , и покровитель ,
 ты еси моя слава и держава ,
 и прїсноубоенное радованїе .

Паки прилѣжнѣ Гдѣа молї :

Но оубѣ молю твоѣ бѣго- ѣ
 стробїе , съ Создателю мой
 Гдѣи ! прїимї ма въ любовь
 твою стѣю , просвѣтї мою
 дѣшѣ , оубиенї мой разумъ ,
 съ бѣгодателю мой ! да оубра-
 нитмисѣ твоѣю бѣжественною
 любовїю дѣшѣ , да оубазвен-
 но бѣдетъ мое сѣрдце , да
сва-

Стихословіа

свѣжетса ѿю крѣпцѣ , и
плѣнѣнна бѣдетъ всѣмъ въ твоѣ
бжѣственное желаніе , и лю-
бовь , да пронзѣтъ и про-
нѣчетъ всю дѣшѣ мою , всѣхъ
частей , да ннедина часть ,
ннедина клѣтъ дѣшѣ моеѣ
ѡстанетъ , кромѣ еѣ . да
ѡверзешн всѣмъ заклѣпы дѣшѣ
моеѣ , да просвѣтиши всѣмъ
моѣмъ чѣства , да ѡтверди-
ши и ѡпоконши еѣ въ дѣшѣ
моѣѣ , да весь бѣдѣ въ тебѣ ,
ты же во мнѣ . да твоѣ
престѣе нма славлю , воспѣ-
ваю , и величаю , со безна-
чальнымъ твоимъ ѡцемъ ,

Трѣтїа ка

и съ престѣимъ и блгнмъ,
и животворящимъ твоимъ
Дхомъ, всегда, нынѣ и
присно, и во вѣки вѣковъ,
аминь.



Стїхословїа четвѣртая
желательнаго къ Бг҃у
восклицанїа.



любовїю твоєю бжт-
венною да оуаз-
венно бѣдетъ срце
моє, ѿ бже мой! да взыщѣ
дєнь и ношь, тебе гда мое-
го, да всею душею моею
къ тебѣ присоединенъ бѣдѣ,

да

СТІХОСЛОВО

ДА ЖЕГОМА И ПАЛІМА БЪДЕТЪ
ДУША МОА, БЖЕСТВЕННЫМЪ
ТВОИМЪ ЖЕЛАНІЕМЪ, ДА ПРИСНУ
СІЕ ИМАМЪ ДУШН МОЕИ ВО
ОУТЪШЕНІЕ, ДА ПРИСНУ СІЕ
ИМАМЪ СЕБЪ ВЪ ТИХОЕ ПРИ-
СТАНИЩЕ, И НЕПРЕЛОЖНЫЙ ПО-
КОИ. ВСЕ ЖЕЛАНІЕ И РАЧЕНІЕ
МОЕ, ВЪ ТЕБЪ ЕДИНОМЪ ДА
БЪДЕТЪ ГДН. ДА ВЕСЬ ВЪ БЖТ-
ВЕННЮ ЛЮБОВЬ ТВОЮ ОУГЛАС-
БЛЕНЪ БЪДУ: И СОЕДИНЕНЪ
БЫВШИ, НИКОГДАЖЕ ѿ ТЕБЕ
ГДА МОЕГѠ ДА ѠЛАСЧАЮСА.

ПАКИ КЪ БГЪ НЕМОЛЧНО

ВОСКЛИЦАИ:

Ѣ ДА НИЧТОЖЕ МА ѿ ТОРГНЕТЪ,

ДА

ЧЕРТВЕРТАА КВ

ДА НИЧТОЖЕ МА ѿЛЮЧИТЬ ,
 ѿ БЖЕСТВЕННЫА ТВОЕА ЛЮБВЕ
 СѢ БЖЕ МОИ ! ДА НИЧТОЖЕ
 ВОЗБРАНИТЬ , ДА НИЧТОЖЕ
 ПРЕСѢЧЕТЬ , НИ О҃ГНЬ , НИ
 МЕЧЬ , НИ ГЛАДЬ , НИ ГОНЕНІЕ ,
 НИ ГЛУБИНА , НИ ВЫСОТА , НИ
 НАСТОАЩАА , НИ БУДУЩАА ,
 ТОЧІЮ ЕДИНО СІЕ ДА ПРЕБЪ-
 ДЕТЬ ВЪ ДУШИ МОЕЙ ВЪИНЪ .
 НИЧТОЖЕ ИНО ДА ВОЗЖЕЛАЮ
 ВЪ ВѢЦѢ СЕМЪ ГДѢИ , НО ДЕНЬ
 И НОЩЬ ДА ВЗЫЩУ ТЕБѢ ГДА
 МОЕГО : И ДА ѿВРѢТЬ , ВѢЧНОЕ
 СОКРОВИЩЕ И БОГАТСТВО ПРИИ-
 МУ , И ВСѢХЪ БЛГЪ СПОДО-
 БЛЮСА .

РН
ЗІ
Ч

ПАКН

Стїхослѡвїа

Паки къ Бг҃у теплѣ вопїи:

Г҃е все оупованїе мое, всю надежду мою, въ тебѣ да полагаю. все сокровище мое, все богатство, въ тебѣ да имамъ. вся слава и наслажденїе мое, въ тебѣ единомъ да бѣдетъ Гд҃и. сѣмъ единымъ не прелщѣся, ниже во тщѣ текѹ: но сїе едино да пребѣдетъ со мною во вѣки вѣкѡвъ. да прїимѹ блг҃ю часть, ꙗже не ѡнѣметсѹ ѡ менѣ во вѣки вѣкѡвъ. день и ношь всегда безпре-
станно да вопїю къ тебѣ, сѡ Бже мой! да съ прр҃окомъ
всегда

ВСЕГДА ГЛАГОЛЮ : ѿ НОЩИ
 ОУТРЕНЮЕТЪ ДЪХЪ МОЙ КЪ ТЕ-
 БѢ БЖЕ, ЗАНѢ СВѢТЪ ПОВЕ-
 ЛЕНІА ТВОА НА ЗЕМЛИ : ДЕНЬ
 И НОЩЬ ДА ВЗЫЩУ ТЕБѢ ГДА
 МОЕГО : ИАКѠ ДА ѠБРАЩУ ТЕБѢ
 ИСТОЧНИКА ЖИЗНИ, И ОУТОЛЮ
 ЖАЖДУ ДУШИ МОЕА.

Ис:
 Гл:
 КС

ПАКИ КЪ БГѸ ЛЮБЕЗНѢ ГЛН :

СЪ ПРРОКОМЪ КЪ ТЕБѢ ВСЕГДА Д
 ДА ГЛЮ, ѿ БЖЕ МОЙ ! НЕ
 ДАМЪ СНА ОЧИМА МОИМА,
 НИ ВѢЖДОМА МОИМА ДРЕМА-
 НИА, ДОНДЕЖЕ ѠБРАЩУ МѢСТО
 ТЕБѢ ГДВН МОЕМУ, СЕЛЕНІЕ
 БГѸ ІАКѠВЛЮ. НЕ ДАМЪ ѠПО-
 ЧИВАНІА, НЕ ДАМЪ ПОКОА,
 ДОН-

Пс:
 Рла

СТІХОСЛОВА

ДОНДЕЖЕ ѿБРАЩУ ТЕБѢ НѢКО-
 МАГО, И ПОЛУЧУ ЖЕЛАЕМАГО.
 ВСАКА БО СЛАВА И БОГАТСТВО
 МІРА СЕГѢ, ВЪСТА ЕСТЬ:
 ВСАКОЕ ЗЕМНОЕ НАСЛАЖДЕНІЕ,
 И ПОХОТЬ ПЛОТЬСКАЯ, ПРЕ-
 ЛЕСТЬ ЕСТЬ. СІЕ ТОЧІЮ ЕДИНО
 НЕПРЕЛЕСТНО ЕСТЬ, ЕЖЕ ТЕБѢ
 ЕДИНАГО ГДА МОЕГО ВОЗЛЮБИ-
 ТИ ВСѢМЪ СЕРДЦЕМЪ МОИМЪ,
 И ВСЕЮ ДУШЕЮ МОЕЮ, НИЧТОЖЕ
 ПРЕДПОЧИТАТИ ПАЧЕ ТВОЕА
 ЛЮБВЕ: СІЕ БО ТОЧІЮ ЕДИ-
 НО ИМАТЬ МНІ ПРЕБЫТИ ВЪ
 ВѢЧНОЕ ОУТѢШЕНІЕ И РА-
 ДОСТЬ.

ПАКИ

ЧЕТВЕРТАЯ

КА

ПАКИ ОУСЕРДНѢ КО ГДА

ВЗЫВАН:

ЧТО ОУБѢ ИНО СЕРДЦЕ МОЕ БѢ
 ВОЗЛЮБИТЪ ВЪ ВѢЦѢ СЕМЪ ;
 ЧТО ИНО ВОЗЖЕЛАЕТЪ КРОМѢ
 ТЕБЕ ГДА МОЕГѠ Ѡ ВСЕА
 ОУМНЫА ТВАРН ПРОВОЖДЕЛѢН-
 НАГѠ И ВОСПѢВАЕМАГѠ ; ПИ-
 ТИЕ ВРЕМЕННО И ТЛѢННО ЕСТЬ,
 БОГАТСТВО И ИМѢНІЕ ИСЧЕ-
 ЗАЕМО И ПОГИБАЕМО , СЛАВА
 И ЧЕСТЬ ПРЕЛОЖНА И ПРЕМѢН-
 НА ЕСТЬ : НИЧТОЖЕ ПОСТОАН-
 НО И НЕПРЕВРАТНО , ТОЧІЮ
 ТЫ ЕДИНЪ СІМЪ ЕСИ ВѢЧЕНЪ
 И НЕПРЕМѢНЕНЪ . СЕГѠ РАДИ,
 ТЕБЕ ТОЧІЮ ЕДИНАГО НАИПАЧЕ

ДА

СТІХОСЛОВА

ДА ВОЗЖЕЛАЕТЪ , И ВСЕМЪ
СЕРДЦЕМЪ ДА ВОЗЛЮБИТЪ МОЮ
ДУША . ВСЮДУ БО ПЬСТЪ И
НАГЪ ОБРАЩАЮСЯ , АЩЕ КЪ
ТЕБѢ ВСЕМЪ СРЦЕМЪ МОИМЪ
НЕ ПРИЛѢПЮСА : ВСЮДУ БО-
ЛѢЗНЕНЪ СКОРБЕНЪ И ПЕЧАЛЕНЪ
БУДУ . ПРИТОРГНИ ТЫ САМЪ
ГДН ЯКОЖЕ ВЪСН , И ОУАЗВИ
СРЦЕ МОЕ БЖТВЕННЫМЪ ТВО-
ИМЪ ЖЕЛАНІЕМЪ , ПРИСОЕДИНИ
ДУШУ МОЮ , И ВСА ПОМЫ-
ШЛЕНІА МОА КЪ БЖЕСТВЕННОИ
ТВОЕЙ ЛЮБВИ , СОЗДАТЕЛЮ
МОИ ГДН .

ПАКИ ТЕПЛА КО ГДУ РЦЫ :
ГДѢ ОУБВ ДУША МОА ПОИ-
ДЕТЪ ;

ЧЕТВЕРТАЯ КЕ

ДЕТЬ; ГДѢ ѠБРАТИТСА; ГДѢ
 ѠБРАЩЕТЪ ТИХОЕ ПРИСТАНИЩЕ;
 ГДѢ НАЙДЕТЪ НЕПРЕЛОЖНЫЙ
 ПОКОЙ, АЩЕ НЕ ВЪ ТЕБѢ ЕДИ-
 НОМЪ ГДѢ БЗѢ МОЕМЪ; ЧТО
 ИНО ВОЗЛЮБЛЮ; ЧТО ИНО ВОЗ-
 ЖЕЛАЮ; ИЛИ КЪ ЧЕГОМУ ИНОМУ
 ПРИЛѢПЛЮСА, АЩЕ НЕ КЪ ТЕБѢ
 ЕДИНОМУ ГДѢ МОЕМУ; ТЫ БО
 ЕСИ БГЪ МОИ, ГДѢ И СОЗДА-
 ТЕЛЬ, ТЫ ЕСИ МОА СЛАВА,
 ДЕРЖАВА И ВЕЛИКОЛѢПІЕ. ДА
 НЕ СКИТАЕТСА СѢМШ И ѠВАМШ
 МОА ДУША, ДА НЕ ЛЮБОДѢИ-
 СТВУЕТЪ ВЪ ВѢЩЕХЪ СЪЕТНЫХЪ
 МОЕ СЕРДЦЕ, ДА НЕ ВЪЗДѢТСА
 И ПЛѢНИТСА ВЕЩМИ МИМОТЕ-

Г

КД-

СТІХОСЛОВО

КЪЩИМИ, ДА НЕ ПОРАБОЩАЕТСЯ
И ПЛѢНИТСЯ ВЕЩМИ СЪЕТНЫМИ
И ПРЕВРАТНЫМИ: НО ДА ТЕБѢ
ТОЧІЮ ЕДИНАГѢ ТИХАГѢ ПРИ-
ЗЪ СТАНЦА ВСЕЮ КРѢПОСТІЮ СВОЕЮ
ПРИДЕРЖИТСЯ, И НИКОГДАЖЕ
ОТЪЛЪЧАЕТСЯ.

ПАКИ ПРИЛѢЖНО ГДА МОЛИ:

ИСПОЛНИ БЖЕСТВЕННЫА ТВОЕА
ЛЮБВЕ, ДУШУ МОЮ, СЪ БЖЕ
МОИ! ИЗЛЕИ НА МА ПРЕТЪЮ
ТВОЮ МИЛОСТЬ, ОРОСИ ВОДУ
ПРЕСТАГѢ ТВОЕГѢ ДХА, ДАЖДА
МИ ВОДУ ПРЕТІА ТВОЕА БЛГО-
ДАТИ, ДАЖДА МИ ВОДУ СІЮ
ГАН, ДА КТОМУ НЕ ЖАЖДА
НИ ПРИХОЖДА КЪ ТЛѢННЫА

ІУ:
ЗА:
ВІ

СЕА

ЧЕТВЕРТАА КС

ВЕА СЛАДОСТИ КЛАДЪЗЮ , КЪ
 СТЪДЕНЦЪ КЛАТВЕННОМЪ ІАКВ-
 ВЛЮ : ВЕАКЪ БО ПІАНЪ ѿ
 ВОДЫ ВЕА ЗЕМНЫХЪ СЛАСТЕЙ ,
 ВОЗЖАЖДЕТСА ПАКИ , А ИЖЕ
 ПІЕТЪ ѿ ВОДЫ ТВОЕА БЛГТИ ,
 ЮЖЕ ТЫ САМЪ ДАЕШИ , НЕ
 ВОЗЖАЖДЕТСА ВО ВѢКИ : НО
 БЪДЕТЪ ВЪ НЕМЪ ИСТОЧНИКЪ
 ВОДЫ ТЕКУЩІА ВЪ ЖИВОТЪ
 ВѢЧНЫИ , ИЖЕ БЪДЕТЪ , ДХЪ
 СТЫИ : ДА БЖЕСТВЕННЫА
 ТВОЕА БЛГТНЫА ВОДЫ ПРИЧА-
 СТНИКЪ БЫВЪ , СОВЕРШЕННЪ
 НАСЫЩЕА , ВНЕГДА ИВНТМНЕСА
 СЛАВА ТВОА .

ΨΛΣ
SI

Г В ПАКИ

Стїхословїа

Паки к' Бг҃у теплѣ вопїи:

И Возврати Гд҃и плѣненїе на-
ше, ѿкако потоки югомъ:
растопи ледъ змерзшїа души
моеа: повѣи югомъ своегѡ
прецѣдрагѡ члвѣколюбїа: да
истекѡтъ воды, и рѣки
твоеа блгодати, ѡ ѡкаан-
нагѡ ми сердца. прони и
оуазви душѡ мою бжтвен-
нымъ твоимъ желанїемъ.
да прочее въ сердцѣ моемъ
ѡ вѣсехъ сѣетныхъ не лю-
бодѣнствю. насыти душѡ
мою бжтвенныа твоєа ман-
ны, да котомѡ не возвра-
щѡса ко егѹпетскимъ мїра
сегѡ

ВЕРУ ТЛѢННЫМЪ СЛАСТЕМЪ ,
 НИЖЕ ДА ЖЕЛАЮ МНОГОМА-
 ТѢЖНЫХЪ КОТЛОВЪ И ЧОСНОКА
 ЕГЪПЕТСКАГО , ОУМЪ ПОМРА-
 ЧАЮЩАГО . НО ДА БѢА МАННА
 БЛГОДАТИ ПРЕСТАГО ТВОЕГО
 ДХА , БУДЕТЬ МИ ВО ВЕАКО
 БЛГОУГОЖДЕНІЕ , И ВѢЧНОЕ ВЕ-
 СЕЛІЕ И РАДОСТЬ ДУШИ МОЕЙ .
 ГДѢ БО ИНАМЪ ИМАМЪ ИСКА-
 ТИ РАДОСТИ ; ТЫ ЕСИ МОА
 ИСТИННАА РАДОСТЬ . ГДѢ ИМА
 ИНАМЪ ИСКАТИ ЖИВОТА ; ТЫ
 ЕСИ МОИ ЖИВОТЪ . ГДѢ ИНАМЪ
 ДАЛЕЧЕ ИМАМЪ ИСКАТИ БОГАТ-
 СТВА ; ТЫ ЕСИ МОЕ БОГАТСТВО
 И ВѢЧНОЕ СОКРОВИЩЕ .

Г Г

ПАКИ

СТІХОСЛОВА

ПАКИ НЕМОЛЧНО КО ГДА

ВОСКЛИЦАНІ:

ДѢ
ДАЖДЬ МИ СОЗДАТЕЛЮ МОИ,
ПОЗНАТИ ИСТИННО ТЕБЕ ЕДИ-
НАГО ИСТИННАГО ГДА БГА МО-
ЕГО, И ЕГОЖЕ ВЪ МІРЪ НАСЪ
РАДИ ПОСЛАЛЪ ЕСИ СПСИТЕЛА
МІРЪ ГДА НАШЕГО ІНСА ХРТА,
И ПРИЧАСТНИКОМЪ БЫТИ БЛГО-
ДАТИ ПРЕСТАГВ ТВОЕГВ ДХА.
ДА ЕЩЕ ЗНАЮ СВОЕ СКОИСТВО
КЪ ТЕБѢ, ИКОЖЕ ЗНАТИ ДОЛ-
ЖЕНЪ ЕСМЪ. ДА ЕЩЕ ТЕБѢ
ПРИСОЕДИНЮСА, ИКОЖЕ ВЕСЬ Ѡ
ТЕБЕ ЕСМЪ. МОА БО ПЛОТЬ,
НЕ МОА, НО ТВОА ГДИ. МОА
ДУША, НЕ МОА, НО ТВОА
СПСИ-

СПЕИТЕЛЮ МОИ . МОА ВСА
 ЧУВСТВА , ЗРЕНІЕ , СЛЫШАНИЕ ,
 ВКУШЕНІЕ , УБОНАНІЕ , НЕ МОА ,
 НО ТВОА ВСА СЪТЪ ГДН МОИ .
 ВСЬ АЗЪ ЕСМЬ , ВСЬ ЖИВОТЪ
 МОИ , НЕ МОИ , НО ТВОИ ГДН ,
 МОА ВСА , НЕ МОА , НО ТВОА
 ВСА СЪТЪ , БЛГОДАТЕЛЮ МОИ
 ТЪНЕ ВСЕ ѿ ТЕБЕ ИМАМЪ ,
 ТЪНЕ ВСЕ ѿ ТЕБЕ ПРИАХЪ .

ПАКИ ОУСЕРДНЪ КО ГДЪ

ВЗЫВАНЪ :

Прибѣжице , стѣна и за-
 стѣпленіе мое , ты единый
 самъ да будеши ГДН : при-
 станице же и оутѣшеніе мое ,
 твоа бжтвенная любовь .

Г

Д

ТЫ

СТІХОСЛОВА

ТЫ БО ЕДИНЪ МИ ЕСИ ГДЬ,
 ТЫ ЖЕ И СЛА, ТЫ МИ ЕСИ
 БГЪ, ТЫ МИ РАДОВАНИЕ, ТЫ
 ЕСИ МОА СЛАВА И ВЕЛЕЛѢПІЕ,
 ТЫ ЕСИ МОА ПОХВАЛА, И
 ОУПОВАНИЕ. ВСЬ ЕСИ ЖЕЛАНІЕ,
 ВСЬ ЕСИ СЛАДОСТЬ СѢ БЖЕ
 МОИ! ПРЕКЫВАЕШИ БО ВСЬ ВО
 ВѢКИ ВѢЧНЫА, НИКОГДАЖЕ
 ИЗМѢНАА. ТЫ ЕДИНЪ
 ОУТѢШЕНІЕ МОЕ, И ВѢЧНОЕ
 НАСЛАЖДЕНІЕ ДА БЪДЕШИ ГДН:
 РАДОСТЬ ЖЕ И ВЕСЕЛІЕ, ПРЕСТА
 ТВОА БЖТВЕННАА ЛЮБОВЬ.
 СЕГѠ НИЧТОЖЕ ЛУЧШЕ И ЧЕ
 СТИѢИШЕ НИ НА ЗЕМЛИ НИ НА
 НБСИ ДА ИМАМЪ, СІЕ МИ
ПАЧЕ

ЧЕТВЕРТАЯ КД

ПАЧЕ ВСѢХЪ СОКРОВИЩЪ ДА
 БЪДЕТЪ ЧЕСТНѢЙШЕЕ , ПАЧЕ
 МНОГОЦѢННЫХЪ АДАМАНТОВЪ
 ДРАЖАЙШЕ . ПАЧЕ СЕГѠ НИЧТО-
 ЖЕ ВАЩЕ ДА ВОЖДЕЛѢЮ ,
 ПАЧЕ СЕГѠ НИЧТОЖЕ ВАЩЕ ДА
 ВЗЫЩУ : НО СИМЪ ЕДИНѢМЪ
 ДОВОЛЕНЪ БУДУ ВЪЦѢ СЕМЪ ,
 ПАЧЕ ЖЕ ВЪ ГРАДУЩЕМЪ .




Г Е СТИ-

СТІХОСЛѢВІА



СТІХОСЛѢВІА ПАТРА,
ПРЕЖЕЛАТЕЛНАГО КЪ БГ҃У БЛГО-
ДАРЕНІА, ѿ БЛГОДѢЛНІАХЪ
ЕГ҃О.

БЛГОДАРИ ГДА, ЯКѠ СОТВО-
РИЛЪ ТА ЕСТЬ.



БЛГОДАРИЮ ТЕБѢ ГДА
МОЕГО, БЛГОДАТЕЛА
ПРЕЩЕДРАГО, ЯКѠ
СОТВОРИЛЪ МА ЕСИ ПО ѠБРАЗУ
СВОЕМУ И ПО ПОДОБИЮ, И ѿ
НЕБЛІТЫА ВЪ БЫТІЕ ПРИВЕЛЪ
МА ЕСИ, ГЛАВОЮ И ЧЕСТІЮ
ВѢНЧАЛЪ ЕСИ. НЕ СОТВОРИЛЪ
МА ЕСИ СВѢРЕМЪ НИ ЕКО-
ТОМЪ,

ПАТАЖ Л

ТОМЪ , НИ ИНѢМЪ КОИМЪ
 ЖИВОТНЫМЪ : НО ЧЛВѢКОМЪ ,
 РАЗЪМНОЮ ТВАРІЮ : БЕЗЕМЕР-
 ТІЕМЪ И САМОВЛАСТІЕМЪ ДУШѢ
 МОЮ ПОЧТИЛЪ ЕСИ . АЩЕ БО И
 РАЗЛЮЧАЕМСЯ ВРЕМЕННУ ПЛО-
 ТІЮ , НО НА ЛУЧШЕЕ ПРЕСЕЛЕНІЕ
 ПРЕХОДИМЪ , ДУШЕЮ ЖЕ БЕЗ-
 СМЕРТНѢ ПРЕКЫВАЕМЪ ВО ВѢ-
 КИ , НЕ НА ТЫСАЩЪ ЛѢТЪ ,
 НИ НА ДВѢ , ИЛИ ТРИ ТЫ-
 СЯЦИ , НО ВО ВѢКИ ВѢЧНЫА
 КОНЦА НЕИМѢЮЩЫА . АЩЕ БО
 КТО БЛГОДАРЕНЪ И ВИНОВЕНЪ
 БЫВАЕТЪ ВРАЧЕМЪ ЗА МАЛОЕ
 ТОЧІЮ НѢКОЕ НЕДУГА ВРАЧЕ-
 ВАНІЕ , КОЛИКУ АЗЪ ПАЧЕ ,
Г
С
ГАН,

СТІХОСЛОВА

ГДН, ИЖЕ МА ВСЕГО ЦѢЛА,
ДѢЙСТВЕННА, ЖИВА, ЗАРАВА,
ѿ НЕБЫТІА ВЪ БЫТІЕ ПРИВЕЛЪ
Еси, И ВО ВѢКИ БЕЗКОНЕЧНЫА
ОУСТРОИЛЪ МА Еси;

Блгодарн ГДА, ИЖЕ ВСА ТЕБѢ
РАДИ ѿ НЕБЫТІА ВЪ БЫТІЕ
ПРИВЕЛЪ ЕСТЬ.

Въ Блгодарю тебе ГДА моего,
Блгодателя прецедраго, ИЖЕ
ВСА МЕНЕ РАДИ ТЪНЕ СОТВО-
РИЛЪ Еси. МЕНЕ РАДИ НБО,
ЗЕМЛА, СОЛЦЕ, ЛУНА, И ВСЕ
СВѢЗДНОЕ НБНОЕ ОУКРАШЕНІЕ:
МЕНЕ РАДИ СВѢРІЕ, СКОТИ,
ПТИЦЫ ПЕРНАТЫ, ВСАКОЕ ЖИ-
ВОТНО: МЕНЕ РАДИ МОРА,
РѢКИ,

рѣки , исто́чники , ѿзѣра ,
 ры́бы , кѣти превелі́кїи :
 менѣ́ радн лѣн , дѣбравы ,
 пѣстыни различныа , дребеса
 плодоно́сна : менѣ́ радн сѣліа ,
 кореніа , сѣмена , о́вощіа
 различна : менѣ́ радн вса
 видимаа и невидимаа сот-
 ворѣна сѣть , со́ Бже мой !
 Благодарн Гда , ꙗко́ вса
 тебѣ́ праведнымъ о́домъ
 оустро́и .

Благодарю́ тебѣ́ Гда моего́ , Г
 благодѣ́теля преще́драго , ꙗко́
 вса ѿ мнѣ́ праведнѣ́ и ми-
 лосѣрднѣ́ оустро́илъ еси́ , и
 непреста́ннѣ́ промышля́еши ѿ
 ду́ши

СТІХОСЛОВА

ДУШНІ МОЕЙ: ЗАЩИЩАЕШИ МА,
СОХРАНЯЕШИ МА, ПОКРЫВАЕШИ,
ЗАСТУПАЕШИ ДУШУ МОЮ, ДА-
РЯЕШИ МИ КРѢПОСТЬ, ЗДРАВІЕ,
ЖИВИШИ МА, ВРАЗУМЛЯЕШИ
МА, И ПРОСВѢЩАЕШИ, ПОСОБ-
СТВУЕШИ, И ПОМОГАЕШИ МИ,
РУКОВОДСТВУЕШИ, И НАСТА-
ВЛЯЕШИ МА НА ВСАКАА ДѢЛА
БЛАГА: ВСА ПРАВДА, МІРДИНѢ,
И БЛАГОУТРОБНѢ ѿ МНѢ ОУ-
СТРОИЛЪ ЕСИ.

БЛАГОДАРИ ГДА, ИЖЕ ТЕБѢ
РАДИ НА ЗЕМЛЮ СНИДЕ, И
ВЗЯТЪ ПЛОТЬ НАШУ НА СЯ.

БЛАГОДАРИЮ ТЕБѢ ГДА МОЕГО,
БЛАГОДАТЕЛЯ ПРЕЦЕДРАГО, ИЖЕ
ТЫ,

ТЫ, БГЪ ВСЕСИМЕНЪ СЫНЪ, МЕНЕ
 РАДИ ЧЛВКЪ БЫЛЪ ЕСИ, ДА
 МЕНЕ СОЕДИНИШИ СЕБѢ ВО ЕДИ-
 НО. НЕ ВОЗГНУШАСА ЕСИ ВЗА-
 ТИ НАША НА СЯ, ЯКѠ ДА
 НАМЪ ВСЕГО СЕБЕ ѠДАДИ. МЕНЕ
 РАДИ ВО ЯСЛЕХЪ ПОЛОЖЕНЪ
 БЫЛЪ ЕСИ, МЕНЕ РАДИ ПЕЛЕ-
 НАМИ ПОВИТЪ БЫЛЪ ЕСИ,
 ѠДѢВАИ НБО ѠБЛАКИ, МЕНЕ
 РАДИ ѠСМОДНЕВНѢ ѠБРѢЗАНЪ
 БЫЛЪ ЕСИ, МЕНЕ РАДИ БѢЖАЛЪ
 ЕСИ ВО ЕГУПТЪ, МЕНЕ РАДИ
 ВО ІОРДАНѢ КРТИСА ЕСИ,
 МЕНЕ РАДИ ПРЕЧУЮ ГЛАВЪ
 СВОЮ ПРЕТѢЧИ ПРИКЛОНИЛЪ ЕСИ,
 ДА МЕНЕ ВОЗНЕСЕШИ ГОРѢ :

Стїхослѡвіѧ

НЕ ТРЕБѢА КРЩЕНІѧ , МЕНЕ
РАДН КРТИЛСА ЕСИ , ДА МНѢ
ѠЧИЩЕНІЕ КРЩЕНІЕМЪ ПОДАСИ .

БЛГОДАРН ГДА , ЯКѠ ТЕБЕ
РАДН ВСѧ СЛАѧ ПРЕТЕРПѢ .

БЛГОДАРНЮ ТЕБЕ ГДА МОЕГО ,
БЛГОДАТЕЛА ПРЕЩЕДРАГО , ЯКѠ
МЕНЕ РАДН БІЕНЪ , БЕЗЧЕСТИМЪ ,
ѠПЛЕВАНЪ , ЗАШЕНЪ , СВѧЗАНЪ ,
ТЕРНОВЫМЪ ВѢНЦЕМЪ ОУВА-
ЗЕНЪ БЫЛЪ ЕСИ , МЕНЕ РАДН
РѢЦѢ СВОИ ПРИГВОЗДИЛЪ ЕСИ
НА КРТѢ , ѠЦТА И ЖЕЛЧН
ВКЪСИЛЪ ЕСИ , КОПІЕМЪ ВО
ПРЕЧТОЕ РЕБРО ПРОБОДЕНЪ БЫЛЪ
ЕСИ , МЕНЕ РАДН КРОВЬ СВОЮ
ПРЕЧТѢЮ ИЗЛІЛЪ ЕСИ , МЕНЕ
РАДН

РАДН ОУМЕРЛЪ ЕСИ ПЛОТІЮ ,
 ДА ѠЖИВИШИ МА ДХОМЪ , И
 ЖИЗНЬ ВЪЧНОЮ МИ ПОДАСИ ,
 МЕНЕ РАДН ВО ГРОБѢ ПОЛОЖЕНЪ
 БЫЛЪ ЕСИ , МЕНЕ РАДН ТРІДНЕ-
 ВНО ИЗ ГРОБА ВОСКРЛЪ ЕСИ ,
 ДА ВСѢМЪ НАМЪ ИЗ ГРОБА
 ВОСКРЕСЕНІЕ ДАРУЕШИ .

БЛГОДАРИ ГДА , ІАКѠ ВСЕГДА
 КАЮЩАГОСА ТА ПРИЕМЛЕТЪ .

БЛГОДАРИ ТЕБЕ ГДА МОЕГО ,
 БЛГОДАТЕЛЯ ПРЕЩЕДРАГО , ІАКѠ ,
~~АЩЕ~~ И ТМАМИ ТЕМЪ ПРЕД ТО-
 БОЮ СОГРѢШАЮ , МЛТИВНѢ
 ПРИЕМЛЕШИ МА КАЮЩАГОСА .
 КОЛІКѠ АЗЪ ПРЕД ТОБОЮ СО-
 ГРѢШАЮ ; ТЫ ЖЕ ЕДИНАЧЕ МА

СТІХОСЛОВО

НЕ ѿМЕТАЕШИ . КОЛІКѠ ПРЕД
ТОБОЮ ПРЕТЪПАЮ ; ТЫ ЖЕ НЕ
ѿВРАЩАЕШИ МЯ . КОЛІКѠ ПА-
ДАЮ ; ТЫ ЖЕ ВОЗСТАВЛАЕШИ
МЯ , ДОЛГОТЕРПІШИ , НЕ АБІЕ
СМЕРТИ МЯ ПРЕДАЕШИ , ДАЖЕ
ДО ПОСЛѢДНАГО ИЗДЫХАНІЯ ,
ДАЖЕ ДО ПОСЛѢДНІЯ КОНЧИНЫ ,
КОГДА ѿВРАЩАЕША КЪ ТЕБѢ ;
КОГДА КЪ ТЕБѢ ПРИПАДУ ,
КІАША ; ТЫ ЖЕ МИЛОСТИВНѢ
КАЮЩАГОСА МЯ ПРИЕМЛЕШИ .

З БЛАГОДАРИЮ ТЕБѢ ГДА МОЕГО ,
БЛАГОДАТЕЛЯ ПРЕЩЕДРАГО , ЯКѠ
ДАЛЪ ЕИ ЗАКОНЪ ТВОИ ПРЕД
ОЧИ МОИ , ДАЛЪ МИ ЕИ ОУ-
ВѢДѢТИ ВОЛЮ ТВОЮ СТЪЮ ,

НЕ

НЕ ѿрѣшѣлъ ма еси крѣщенїа,
 НЕ ѿставилъ ма еси во ино-
 вѣрствѣ, или пагубной ереси
 погрѣженнѣ быти, прича-
 стника ма пречѣтымъ твоимъ
 таинамъ сотворилъ еси,
 кровїю своею искупилъ еси,
 наследника ма црѣвїа нбна-
 го содѣлалъ еси.

Благодарю тебе Гда моего, и
 благодателя прецѣдраго, иже
 исторгнулъ ма еси ѿ мольбъ
 и матежъ міра сего, и
 привелъ ма еси во ѿградъ
 словесныхъ ѡвецъ твоихъ,
 и избралъ ма еси себе въ
 служенїе, служителя мене
 себе

Стихословїа

себѣ содѣлалъ еси, аще и
 недостоннъ есмь, Обилнѣ
 блгодать твою надомною
 оумножилъ еси, Обилнѣ
 блгодать твою надомною
 простерлъ еси, оудобенъ пѣть
 ко спасенію мнѣ показалъ
 еси, вса мнѣ ѡкрылъ еси,
 вса предъ Очи мои предло-
 жилъ еси, ничтоже ѡ мене
 оутаено ѡставилъ еси.

Ѳ Блгодарю тебѣ Гдѣ моего,
 блгодателя прецѣдраго, ѡкѡ
 ни в чѣмже мѣ еждна ѡста-
 вилъ еси, но во всемъ изо-
 билью: не терплю глѣда и
 мрѣза: тлѣнныхъ ради вещей

НЕ

НЕ ВОЛНЮЮСА НИ ПОТОПЛАЮСА
 ВЪ РѢКАХЪ, НЕ ПРЕТЕРПѢВАЮ
 БѢДЪ НА ПЪТИ РАДИ ЖИТЕЙ-
 СКИХЪ ВЕЩЕЙ, НЕ СМЪЩАЮТЪ
 МА ЦАРСКІА СѢЛНЫА ДАНИ,
 НЕ ИЗГАНАЮТЪ МА НА РАБОТѢ
 НУЖНУЮ, ПЛАВАНІА НУЖНАА
 МОРЕКАА НЕ ПРЕДЛЕЖАТЪ МИ,
 НИЧТОЖЕ ѿ СІХЪ ПРЕТЕРПѢ-
 ВАЮ, ЯКОЖЕ ПРОЧІИ ЧЛВѢЦЫ
 ТЕРПАТЪ, И ТМАМИ ТЕМЪ
 СТРАЖАЮТЪ, ДАНИ ДАЮЩЕ
 МНОГИ, СКЪРБИ И НАПАСТИ
 ТЕРПАЩЕ: ЯЗЪ ЖЕ ВСЕГѠ СЕГѠ
 ЕСМЬ ТВОЕЮ ПРЕСТОЮ БЛАГІЮ
 СВОБОДЪ. ЯЩЕ БО И ПОТРЕЖ-
 АЮСА ВЪ ЧЕМЪ, И ПРЕТЕРПИЮ
 ЧТО

Стїхословїа

что́ ма́ло, но ѿ се́ не ра́ди
тлѣнныхъ, но ра́ди пребы-
вающихъ во вѣки. Ѹбо
глю оудобенъ пѣть ми по-
казалъ еси́ ко спасенїю Гдѣи,
оудобно цртво нбное оустро-
илъ еси́, тѣне всѣ намъ
даровалъ еси́.

Глаголю тебе́ Гдѣа моего́,
благодателя прещедрого, ꙗко
малаго ра́ди нѣкоего благо-
згожденїа, жизнь вѣчную,
цртво нбное дати ми оубѣ-
щалъ еси́: самъ сотвори-
вый, самъ создавый ма,
и всѣ ко благозгожденїю да-
вый, жизнь вѣчную тѣне
да-

ДА́РДЕШИ, НЕ НА ВРЕ́МА НѢКОЕ
МАЛО, НЕ НА ВРЕ́МА НѢКОЕ
КРА́ТКО, НЕ НА СТО́ ЛѢТЪ,
ИЛИ́ НА ТЫ́САЩЪ, ИЛИ́ ТЫ́-
САЩЫ ТЫ́САЩЕЙ, НО ВО ВѢ́КН
ВѢ́ЧНЫА, КОНЦА́ НЕИМѢЩЫА.
СЛА́ВА НЕИСПОВѢ́ДИМОМУ ТВО-
ЕМУ́ МИЛОСЕРДІЮ ГДН. СЛА́ВА
ПРЕЧУ́ДНОМУ ОУ́СТРОЕНІЮ ТВО-
ЕМУ́ ПРЕСЪ́И ЦРЮ. СЛА́ВА
НЕИЗРЕЧЕ́ННѢИ И НЕПОСТИЖИ́-
МѢИ ТВОЕ́И БЛГОСТЫ́НИ И ПРЕ-
МѢ́ДРОСТИ, ЧЛКОЛЮ́БЧЕ ГДН :
И́АКѠ ТЕБѢ́ ПОДОБА́ЕТЪ ВСА́-
КАА СЛА́ВА, ЧЕ́СТЬ И ДЕРЖА́ВА,
БО О́ЦЕМЪ И СЪ ПРЭСЪ́ИМЪ
БЛГІ́МЪ И ЖИВОТВОРА́ЩИМЪ
ТВОИ́МЪ

СТІХОСЛОВА

ТВОИМЪ ДЪХОМЪ , НЫНѢ , И
ПРИСНУ , И ВО ВѢКИ ВѢКОВЪ ,
АМИНЬ .

КОНЕЦЪ , БГ҃Ъ СЛАВА .




БИБЛИОТЕКА
МАТИЦЕ СЛОВЕ

НАХОДИТСА ВЪ ВЕНЕЦІИ , КОДЪ
ДИМИТРІА ФЕВДОСІА .

БИБЛИОТЕКА
Dr. Г. Михайловна
КОБИЛО





БИБЛИОТЕКА МАТИЦЕ СРПСКЕ

Р18 Ср I 640